



UNIVERSITÄTS-  
BIBLIOTHEK  
PADERBORN

**Henrici Canisi[i] Noviomagi, Belgæ, Jn Academia  
Ingolstadiensi SS. Canonum Profess. Ordinarii & Primarii,  
Opera Quæ De Ivre Canonico Reliqvit**

**Canisius, Heinrich**

**Coloniae Agrippinae, 1662**

In Cap. Quæsivit 2.

---

[urn:nbn:de:hbz:466:1-62169](#)

Iaque maritus non solum post mortem uxoris sue potest aliam ducere, sed & illam dimittere propter insidias vite sue intenatas. Idem est ex parte marici, ut si is vita uxoris insidetur, similiter dimitti possit ab uxore, nisi uxori sufficiens securitas praestetur per maritum, per text. in c. Literas 13. in fine & in e. Ex transmissis 8 sup. De refut. Iphat. In marito quoque constitutum est, ut si is uxorem suam occiderit, aliam uxorem ducere non possit, can. Interfectores & can. Quicumque & ibi Gloss. xxxii. quæst. 1.

2. Sed an in specie casus nostri idem obtineat, ubi maritus uxorem non occidit, sed tantummodo cum aliis conspiravit in necem uxoris, & aliquis ex iis occisus est, addubitari posset; eo quod in paenitentia interpretatio in dubio semper adhibenda sit, c. Invenit Da R. 1 in 6. & l. Interpretatione 42. D. Depanis Sed idem juris esse puto ex parte mariti, quod ex parte uxoris, propter eamdem rationem. arg. can. Nihil iniquius & can. Indiguantur xxxii. quæst. 6.

Nihilominus volunt D. d. nostri, quod licet uxor hoc textu nostro post mortem mariti aliud matrimonium contrahere non possit, subsisteret tamen matrimonium, si ab ea contractum fuerit, Glos & Holtien per text. in d. can. Interfectores, & can. In adolescentia xxxiiii. qu. 2. Idem probare videtur Panorm. & Præpos hic, & Mart. Navarr. in Manuali c. 22. n. 74. Quo loco tradit, quod licet propter homicidium uxoris vel mariti superstes coniux prohibeatur matrimonium contrahere, ta-

men si contractum fuerit matrimonium, non dirimi.

Constat enim ex supradictis variis locis, inter 3 impedimenta matrimonii quædam esse, quæ non tantum impediunt matrimonium contrahendum, verum etiam contractum dirimunt, ut sunt consanguinitas & affinitas, publicæ honestatis justitia, frigiditas, maleficium, & his similia, de quibus suo loco superioribus titulis latius disceruimus. Quædam vero quæ tantum matrimonium impediunt contrahendum, sed contractum non dirimunt, ut in casu text. nostri. Item incestus, c. 1 c. 2. & Transmissa sup. De eo qui cogn. consang. uxor sua. raptus sponsus alterius, can. Statuum xxvii. qu. 2. suscepit proprii filii ex baptismo eâ mente facta, ne uxor ab eo debitum conjugale possit exigere propter jam contractam spiritualem cognitionem, can. De eo xxx quæst. 1. solemnis pœnitentia, can. De hu & c. Antiqua xxxi ii. qu. 2. matrimonium cum Moniali de facto contractum, can. Siergo xxxii qu. 1. de quibus latius apud Navarr. d. loco. Hi itaque prohibentur quidem matrimonium contrahere, sed tamen contractum ab iis matrimonium non dissolvitur, ita permittentibus sacris Canonibus. Sed redeundo ad textum nostrum, unus tantum casus est, quo propter homicidium non tantum matrimonium impeditur, sed & contractum dirimitur, puta si quis cum alterius uxore in mortem mariti conspiraverit, ut eamdem postea in uxorem ducat, c. Laudabilem sup. De conversi infidel. & latius diximus sup. De eo, qui duxit in matrem, quam polluit per adulterium.

## In Cap.

## S U M M A R I A.

1. Iusta causa divertendi non est delictum alterius conjugi.
2. Excepto infidelitate maleficio, & ubi alter alterius candidi occasionem præbet.
3. Est & iusta causa mariti in uxorem nimia sevitia.
4. Item furor supervenientis.
5. Adulterium siue fornicatio alterius conjugum.
6. Non obstante penitentia uxoris adultera.
7. Uxor adultera quibus casibus disiecti possit.
8. Est & causa divertendi iusta heresis.
9. Hic casibus fit tantum separatio quo ad torum, nec excipiuntur fornicatio.

## Quæslivit 2.

**D**icitur hoc Cap. 2. conjuges non posse à se invicem separari propter furtum, aut aliud delictum sive crimen, nisi alter alterum ad infidelitatem sive heresim pertraheret. Illius ratio pender ex sententia Christi: Quod Deus conjunxit hominem, separaret, Matth 19 tum ex eo, quod inquit Divus Paulus: Mulier corporis sui potestatem non habet, sed vir: similiter autem & vir sui corporis potestatem non habet, sed uxor. 1. ad Corinsh. 7. Unde recte sequitur, matrimonii ustum non posse Judicem interdicere inter conjuges, neque alterum alteri conjugi subtrahere. \*Exceptionis vero ratio ex illa sententia Christi colligitur: Si quis venit ad me, & non odit patrem suum, & matrem, & uxorem, &c. non potest meus esse discipulus,

Luca

*Luca 14.* & quod ait Christus, *Matth. 18.* Si oculus tuus scandalizat te, erue eum. Per oculum, intelligens, ut exponit ibidem Divus Augustinus, eos, qui nobis conjuncti sunt, & chari, instar oculorum, ut sunt parentes, filii, uxor, ubi scilicet ex horum co-suetudine periculum peccandi imminet. Quare non tantum in exceptione textus nostri separatio matrimonii licita est, verum etiam ubi enimque unus conjugum alteri peccandi occasionem intenter, *Gloss. text. in can. Idololatria xxviii. quæst. 1.* Navarr. in *Manuali cap. 22. num. 22.* Interim perseverat vinculum conjugii per hunc textum nostrum, cum matrimonii scelus legitimè contra alii perpetuus & indissolubilis nexus sit, *can. Horrendus cum can. seqq. xxxi. quæst. 5. Concil. Tridentin. Sess. 2. 4.* in doctrina de Sacram. matrim. duobus tantummodo casibus exceptis. Unus est, si alter conjugum, nondum consummato matrimonio, Religionem ingrediatur & profiteatur; quod ipsi permisum est per sacros Canones, etiam invito altero, *c. 2. Et Ex publico 7 sup. De convers. conjung.* Alter, si infidelium unus ad fidem Christianam convertatur, *c. Gaudemus 8 inf. eod. ubi latius dicatur.*

Itaque justa causa est divertendi ab uxore, vel contraria viro, si alter alteri delinquendi causam præbeat. Altera est nimia laetitia mariti in uxorem suam, ob quam recte petet uxor se separari à marito suo, nisi hic sufficientem cautionem præster, de non offendenda uxore, *text. est inc. Literas 13. in fine Et cap. Ex transmissa 8. sup. De restringi spoliati.* Sufficiens cautio dicitur, qua sit pignoribus vel fidejussore, *l. Si mandato Tuiti 3. § fin. D. Mandati;* quamvis & iuratoria cautio sufficiens dici possit, si hanc magis maritus timeat, ut recte *Glos. & Innoc. tradunt ad d. cap. Ex transmissa,* quod Judicis estimationi relinquitur. *Covarr. in IV. Decretal. cap. 7. § 5. num. 1. usque ad num. 6.* Idque ad eò obtinet, etiamsi uxor culpâ sua in maritiodium incidisset. *Panorm. ad d. c. Literas num. 23. per text. in can. De benedicto cum Glos. xxxi. quæst. 1.* Nec enim licet marito, quemadmodum nec alii vindicare injuriam sibi illatam, sed ea ad auctoritatem Judicis referenda est, *l. Nullus Cod. De Iudeis, c. l. Non singularis D. De R. l.* Quod si vero tanta mariti laetitia sit, quod nulla cautio videatur sufficere, non solum non compellenda est uxor, si à marito discesserit, ut ad eundem redeat, sed etiam à marito removenda est, per *text. in d. c. Literas in fine ubi Et singulariter notat Panorm. num. 7. Et facit text. optimus in l. Si ususfructus 16. alias l. Aequissimum, § sed simus dnoz D. De ususfr. Quo etiam fit, ut*

si alter conjugum alterius vitæ insidetur, recte domo ejici, vel deseriri possit ab altero, eo scilicet casu, quod idoneè ipsi non cavitur: & petenti restitutionem obstabit exceptio saevitie, ex sententia Butrii, *Panorm. Præpos. post Hostiens. ad e. sup. eod.*

Tertia causa est supervenientis furor, ex quo vita periculum alteri imminet. *Covarr. d. § 5. num. 6.* ubi ex Alexandro restatur, id communiter receptum esse à Dd & ratio pender ex jam dictis.

Quarta causa est adulterium sive fornicationem alterius conjugum, *c. Significasti 4. c. Ex literis 5. c. Gaudemus 8. hoc tit.* Quam & justam causam esse dimittendi conjugem, probat locus apud March. *cap. 19.* ubi ita Christus: *Quicumque dimiserit uxorem suam nisi ob fornicationem, & aliam duxerit, macchatur.* Et si vero Christus hic solius uxoris meminerit, ut vir propter adulterium uxoris eam posset dimittere, idem tamen servandum quoque est in viro adultero, ut & hic deseriri possit ab uxore; cum hac in re pares sint maritus & uxor, *can. Præcept. Et can. Apud nos xxxi. qu. 5.* Meminit vero Christus tantummodo viri, quod si ordinari loeat uxorem suam dimittere propter adulterium, raro autem uxor virum suum, sicut constat ex can. fin. d. qu. 5. Atque hæc separatio matrimonii propter adulterium sive fornicationem ad eò obtinet, etiam si uxor propter paupertatem libidini alterius se exposuerit, *d. c. Ex literis 5. inf. eod. aut etiam in justè dimissa à marito hac occasione adulterium admiserit.* *c. Significasti 4. inf. eod. nam potius quælibet mala sustinenda sunt, quam peccato a sentiendum, can. Itane xxxiv. qu. 5. can. Laethius xxxi. qu. 2. can. Ne quis arbitretur xxxii. qu. 2. Eleganter Ulpianus: Non est ignoscendum ei, qui obtentu paupertatis turpissimam vitam egit, text. est in l. Palam 43. circ. princ. vers. non est ignoscendum D. Deriu nupt.*

Sed statuamus uxorem adulterii pœnituisse, anne ignoscere ipsi teneatur maritus? Quid certè videtur, propter *text. in c. 3. inf. De adult. in can. Quod autem, cum trib. seqq. xxxii. qu. 1. quibus locis adulterii crimen pœnitentiæ aboletur, ita quod uxor non amplius adultera nominanda sit.* Verum contrà rectius censet *Glos. ad d. c. 3.* quam ibidem sequitur Butrius & Panorm. quod scilicet, nos obstante pœnitentiæ uxor adulteræ, possit maritus eam dimittere, per *text. in can. Admonere, vers. nam si verum xxxii. quæst. 2. c. Gaudemus 19. sup. De convers. conjug.* Ratio est, quod pœnitentiæ nemo nocens esse desinas in foro exteriori,

*d. l. Pa.*

d.l. Palam, vers neque enim aboletur, l. Quia ea mente  
67, D. Desert. l. Quis sit fugitivus 17, in pr. D. De adul.  
editio & l. penult. D. Vi bonor. rapt. Nec marito jus  
dimittendi uxorem ex causa adulterii sibi acquisi-  
tum invito auferri debet, l. fin. in fine D. Depact.  
& l. Id quod nostrum D. De R. I. Non mover textus  
ind. c. 3, quia, ut recte interpretatur ibidem  
Glossa, Panorm. Zabarella & Anton. verbum de-  
bet, in eodem cap. possum non ad necessitatem,  
sed ad honestatem trahendum est, ita quod ho-  
nestum sit, uxorem adulteram pœnitentiam à  
marito recipi, non autem necessarium. Similis est  
interpretatio ejusdem verbis, debet, in cap. 1, sup.  
De desponsat. impub. Quo sensu quoque videntur  
accipiendo textus in d. can. 4, in can. Quod autem,  
cum trib. seqq. xxxii. quest. 1.

Recententur à jure nonnulli casus, quibus ux-  
orem adulteram dimittere non licet. Primus est,  
si & ipse maritus adulterium sive fornicationem  
admisericet, & significasti inf eod c penult. & ult. inf. De  
adult. & xxxii. quest. 5, per tot. Nam paria delicta  
mutua compensatione tolluntur, d. c penult. &  
ult l. Viro 40, D. Soluto matrim. & l. Si ambo 40, D.  
Decompensat. Secundus est, si maritus auctor fue-  
rit uxori adulterii committendi, aut adulterium  
ipsius approbaverit, & Discretionem 6, sup. De eo qui  
cogn. confang. uxor. Cur enim, inquit Sævola J. C.  
improbat maritus mores, quos ipse antè corrup-  
pit, aut postea probavit in l. Cum mulier 49, D.  
Soluto matrim. Quà ratione & si sciens uxorem ad-  
ulteram esse, eam cognovit, non poterit dimitt-  
tere, cùm eo ipso vel approbasse ejus adulterium,  
vel saltum ei ignovisse videatur, Glos. ab omnibus  
recepta ad cap. fin. inf. De adult. Covarr. in 4, Decret. p.  
2, c. 7, §. 6, num. 11, id que instar actionum injuri-  
atum, quæ dissimulatione tolluntur, §. fin. Inf.  
Deinjuriis. Tertius casus est, si uxor credens ab-  
sentem maritum suum mortuum alteri nupsit,  
quia reversus maritus eam recipere tenuerit, can.  
Cum per bellicam xxxiv. quest. 1. Nec enim reverius  
maritus objiceret potest uxor adulterium, quæ  
bonâ fide nupsit, cùm adulterium non bonâ fide,  
sed dolo admittatur, l. penult. D. Ad l. lul. de adul.  
uti & quælibet alia causa, etiam iusta, excusat  
à dolo, l. lgitar 12, vers. & generaliter D. De liberali  
causa. Quartus casus est, si uxor errore decepta  
credat se à marito suo cognosci, cum revera alius  
sit, can. Inleitum xxxiv. quest. 1. Hujus ratio jam  
dicta est. Quintus est, si uxor ab alto vi opprima-  
tur, siquidem hoc casu uxore extra omnem cul-  
pam est, ne dicam, dolum, & consequenter adul-

teria non est. Non potest fieri si inquit textus in can.  
Depudicitia xxxii. qu. 5,) ut nisi quis mœchetur  
prius in corde, mœchari possit in corpore. Simi-  
lis textus est in can. Non potest, cum duob. seqq. ead.  
quest. 5, Atque hæc de quarta causa leparandi  
matrimonium propter adulterium. Sed & reli-  
quas persequamur.

Quinta causa est separandi matrimonium, hæ-  
resis, hoc est, si alter conjugio in hæresin laba-  
tur, cap. De illa 5, cum cap. seq. inf. eod. Nam hæresis  
spiritualis quædam fornicatio dicitur, quæ tam-  
en per subsequentem pœnitentiam aboletur,  
cap. Quinto 7, in fine inf. eod. Altera quæ in forni-  
catione carnali, quæ per pœnitentiam non tol-  
latur, ut antè dictum est; quia hæc directè pu-  
gnat cum fide conjugali, quæ est una ex bonis ma-  
trimoniis, ut vocant, substantialibus, can. Omne  
xxvii. q. 2.

Cæterum hæc nobis obſicitur locus apud  
Matth. 5, & 19, ubi Christus inquit: Quicumque  
dimiserit uxorem suam nisi ob fornicationem; & aliam  
duxerit, mœchatur. Ex quibus verbis à contrario  
sensu hoc argumentum comminiscetur adver-  
ſarii nostri. Ergo inquit, qui ob forni-  
cationem dimiserit uxorem suam, & aliam duxerit,  
eam non mœchari. Unde consequens videtur,  
propter fornicationem uxoris solvi matrimonii  
vinculum, & impunè posse aliam duci. Verum  
hoc argumentum nihil mover Catholicos, qui  
uno ore affirmant, matrimonii vinculum non  
dissolvi propter fornicationem. Et probat Ca-  
tholicorum sententiam textus in can. 1, cum ali-  
quot c. seqq. xxxii. qu. 7, & extat expressus hac de  
re Canon. Concilii Trid. Sess. 2, 4, cap. 7, de Sacram.  
matrim. Itaque quod ad dictum locum Matthæi  
attinet, exceptio illa, nisi ob fornicationem, referen-  
da est ad solam dimissionem, ut tantummodo  
propter fornicationem liceat absolute & in per-  
petuum uxorem à se dimittere, quoad torum &  
cohabitationem. Non autem referri debet ea  
exceptio ad matrimonium cum alia contrahend-  
dum, quasi hoc liceat, & non sit adulterium, sicut  
ex D. Thom. & aliis probat Greg. de Valent.  
Comment. Theolog. tom. 4, de matr. disp. 10, quest. 1,  
puncto 7, Quare ex illis verbis à contrario sensu  
perperam infertur, uxorem ob fornicationem di-  
mitti posse, ut etiam liceat aliam ducere. Et liceat  
aliæ argumentum à contrario sensu utroque ju-  
re receptum sit, l. 1, p. De eo cui mand. est. jurij. l.  
Qui testamento 20, § mulier D. De testam. Ecce Cump  
Apostolica 7, in fine de his que sunt à Prælat. tamea  
Gg 2 c. 11. stat.

cessat, ubi absurdus sequeretur intellectus, vel correctio juris, ut hoc nostro casu, quo vinculum matrimonii propter fornicationem dissolvetur, contra naturam matrimonii & auctoritatem totius Ecclesiae, quæ hanc dissolutionem nullaratione admittit, sicut constat ex predicto Canone Conc. Trid.

Neque movet, quod uxor etiam ob alias causas dimitti possit, quoad torum & cohabitacionem, puta, propter haeresin, scismaticam, & similes, ut paulo ante explicavimus. Nam haec dimensiones ob duplice rationem a Christo omisæ sunt, solâ mentione facta fornicationis, eò quod fornicatio propria & omnium justissima causa sit dimittendi uxorem suam; quia directo pugnat

cum fide conjugali, quæ in eo consistit, ne alter conjugum alteri tertio corpus suum communiceret. Aliæ vero communes sunt omni societati, siue commercio hominum. Nam propter haeresin, scismaticam, non tantum separantur a se invicem conjuges, sed & filius a patre, frater a fratre, vel qui societatem inter se contrarerent. Deinde separatio matrimonii propter fornicationem perpetua est, neque penitentiâ matrimonii reconciliatur: quod non est in aliis causis, quæ temporales sunt, hoc est, tam diu durat separatio matrimonii, quam diu durat ipsa causa, sicut supra docuimus. Vide latius Bellarm, lib. i. de matr. Sacram. cap. 14.

In Cap. Porro 3. juncto c. Significasti 4.

S U M M A R I A.

1. Non potest quis uxorem propriâ auctoritate ex causa cognitionis dimittere.
2. Uxor propriâ duci oratione à marito expulsa rectè petit restituui.
3. Et quid si adulterium notorium sit? Intellexus c. 4, h. r.

**H**oc Cap. tertium plerisque difficile videtur, in eo consultus S. Pont. de quodam Comite, qui uxorem suam absque judicio Ecclesiae, hoc est sine cognitione & sententia iudicis Ecclesiastici, dimiserat, ideo quod asserebat eam esse cognitam prioris uxoris suæ defunctæ. Qua de re, in qua, consultus S. Pont. rescribit hoc cap. nostro, Comitem compellendum esse, ut uxorem a se dimissam in consortium suum recipiat; addebat licet parentela sive cognatio notoria sit, adjectâ pena excommunicationis, si contumax fuerit.

Deinde in eodem hoc cap. 3. responderet ad aliam quæstionem, quæ similiter ipsi proposita fuit, de viro, qui cognatam suam in uxorem duxerat, ut si inter eos parentela sive cognatio manifesta sive publica sit, persententiam dirimatur, etiam si nullus exter accusator, qui hoc matrimonium impugnet. Intellige vero de cognatione ipsa quartuor consanguinitatis vel affinitatis gradum, juxta decisionem textus in c. Non debet sup. De consang. & affin. ubi fusius id persecutus sumus.

Et quidem prioris ratio haec est, quod nemo sibi ipsi jus dicere possit, sed judex adiudicet, l. un. C. Ne quis in sua causa iudicet. Nullus 13, C. De laudes, c. Conquerente 7, juncta Cl. in V. voluerit sup. de restit. spoliari. ubi etiam nullus privari debet jure suo ab ille cognitione causæ, l. fin. in fine C. Si per vim, &c. Ut hinc etiam prædo possessione suæ dejectus absque judice recte restitucionem petat, cap. In literis 5, de rest. spoliari. l. 1, §. qui à me D. de vi & vi arm. & recuperanda Inst. \* Unde, etiam uxor, quæ privatâ auctoritate à marito domo exturbata est, aut aliter dimissa, recte intentat interdictum recuperandæ quasi possessionis, ut in pristinum statum restitucitur, per h. text. nostr. & in cap. Ex conquestione 19, De rest. spoliari. Quod usque adeò obtinet, etiam si causa impedimenti matrimonii in iudicium deducta fuerit; adhuc enim ejus in non poterit uxor ante latam sententiam, c. 2, Ut litiget.

Ceterum his refragari videtur textus int. Significasti 4, inf. eod. quo uxor privatum dimissum à marito propter adulterium non restituitur, si adulterium notorium sit. Igitur notorium restitucionem uxoris impedit, contra hunc tex. nostrum. In quo modo solvendo varie laborant Interpretes, ut videre est hic apud Panorm. & alios. Verum omisso carceris referam sententiam Joan. Corasii lib. 2, Miscell. c. 2, qui rem ferè attigit videtur. Cum enim (inquit) spoliatus ante omnia restituerendus sit, id non in titulo aut iure perentis, sed in odio spoliacionis fundatur, c. fin. sup. De ord. cognit. & d. e. In literis cum simil. nisi is, qui